

## Xulka iyo Xusuusta Suugaanta Q1AAD. W/D: Xasan Cabdulle Calasoow "Shiribmaal"



**Xulka iyo Xusuusta Suugaanta Q1AAD. W/D: Xasan Cabdulle Calasoow "Shiribmaal"** Xulka iyo Xusuusta Suugaantu, waa taxane aan ku taabba gelinayno suugaantii ay ka tageen halabuuradii caanka ahaay ee maguurtada sooyaalka galay, ha ahaadeen kuwa geeriyooday iyo kuwa iminka nool'e. Wuxuu noqon doonaa taxane maalin kasta oo Arboco ah kusoo bixi doona, mareegtaan **LAASHIN.COM**. Waxaan ku diiwaan gelin doonnaa guud ahaan suugaanta Soomaaliyeed jaadadkeeda kala geddisan, intii aan awood karno. Guurowgaan magaciisa waxaa la yiraahdaa: ?Yaabka ka heshiia? waxaana tiriyay: **Abwaan Maxammad Gacal Xaayoow (A.U.N.)** wuxuuna uga qayb galay tartan suugaaneed ka dhacay waddanka Maraykanka, oo ay soo qabanqaabiyeen aqoonyahanno Soomaaliyeed. Waa guurow aad u qiima badan oo na baraya awoodda curineed ee **Abwaan Maxammad Gacal Xaayow** Eebbe ha u naxariistee. Wuxuu ku baxaya Xarafka **?YA'DA?** oo ah xarafka ugu adag ee lagu maansoodo halabuurada wax ka curiyaana ay kooban yihiin waana Guurow waddaniyeed ka mid ah kuwa ay ugu jecel yihiin dadyowga Soomaaliyeed aadna ay u qaddariyaan. innagoo dhihi karno Abwaanku waa muftiga koobaad ee xagga dal iyo dad jaceylka, maxaa yelay waa Abwaanka kaliya ee aan weligii qabyaalad, qabiil, qolo, iyo deegaanba u gabyin. Waana sababta ay ummadda Soomaaliyed milgaha iyo maamuuska ugu hayaan Eebbe qabriga ha u waasiciyo'e. Guurowguna wuxuu u dhacay sidaan ee ka bogasho wacan: **Yaab adduunyo waa badanyahee, Boqol yaxaaslayda Yixda nagu dillaaciday wixii shalay, Na yeelsiiyay Ninki yoom ku xiga yoolka geey, Hana ku yaasiinsho Yicibtiisa nabad laguma guran, Yaallinka ahayd'e Yebedhaal gu'eed nooma di'in, Yaare loo bogaye Lama yeelan yaambiyo misaar, Yebesha reebaane Yaanyada raggii diidi jiray, Yaabiskow gebaye Yaaq yaaqsi dheregtaa dhashee, Yooqa loo kariyay Yarya wayn qabiil lagu yurgamo, Yarad naloona siie Calankaase laysugu yimaad, Yaaqa dheer surane Yoomkaanu waa kama danbeys, Waa isugu yeela Laydin yiriye soomaali yahay, Yaabka ka heshiia. Yatiin aabba laay iyo dadaan, Yicista kaalmeeya Yalalaxada geed laga dugsado, Ugu yagleelaynin Ee yamaaruggii hoose iyo, Yaayagii gubayay Yabaaqane ka foge yeey ku yu'an, Ugu yed qaadaaya Iyo kii yabooh iyo siddaqa, Yurub usoo haybshay Yay maqaane yoonthaaf warbixin, Yaable maqashiiyay Ubadkeennu waa kala yaqaan, Kii wax ugu yaale Yoolbaar la'aanbaa bad wayn, Loo yunbanayaaye Haddii yeesho quruntaa waqtigu, Kaa yurqamiya ahe Yaas yaasadii naga kacdiyo, Dhogorta yoolaasha Yaxashada dareen inuu ku jiro, Waa yaqiinsadaye Yoomkaanu waa kama danbeys, Waa isugu yeelalaydin yiriye soomaali yahay, Yaabka ka heshiia. Haddii yebel baroorada gu'eed, Geed yaleeshanaya Yaruursadu nagaari ku yeel, Yalalax dhihi waayo Waana yaarsadaa sida bukan, Ciil la yuuraraye Yiddanoo martiyo soo yurgama, Gogosha loo yaacsho Ma yuwaade yedeloow hogtaa, Waana loo yimide Haddow yaxar ahaay xoola nool, Kama agyeeraane Haddii yayga lagu soo ag dhigo, Yoowmal Aakhirada Oon adduun wax kuu yaalla jirin, Waa laguu yimide Yaasiinka waa kugu celshaa, Macallin yool gaar'e Raggi yimidi Soomaali yiri, Aan isugu yeerno Kolleey yeera yeere yam iyo, Aan ku kala yaacno Yabooh laguma helo ceebtaaniis, Kama Yureeydaane Yoomkaanu waa kama dambays, Waa isugu yeela Leeydin yiriye soomaali yaheey, Yaabka ka heshiia. Yaatihiin haddii nalan yiraa, Magacu waa yaallin Ha ka yaabin yooc iyo sarmaan, Meel is kula yaale Ka yabaala jiriddee ma nihin, Diima kala yeeshay Yac moogaanse nahay caanahaan, Yirac ku Tuurnaahu Wixii yeellay Koofur Afrikee, Medabbadu yeelay Ee Yuhuuddu Falastiin wax badan, Uga yabiiq siisay Ambaan yoomka maantaa ognahay, Yamanta lays raacshay Yebedhaalki Honkon waxii, Yoolka madar geeyay Amma yaxabti Baarliin tirtiray, Kii yaqiinsadaye Yeed wax uga shishaynoow waddada, Lagu yaloombaayo Wax ku yeelo kuwa loo yasiray, Ee yiddo u buuxdo Wax ka sii yar yoogada mugged, Kugu yaboohayne Yoomkaanu waa kama dambays, Waa isugu yeela Laydin Yiriye Soomaali yaheey, Yaabka ka**

heshiia.Yaab waxaa leh Soomaali yiri, Yeelimaa nabadeYaa le ciidda yaa heer u maqan, Yow sugaa calanku?Yaa maala yaa yibir ka guray, Waxa u yaal Yaa og?Yaa yirbixiyay yaa yirid ka gubay, Yaa u kuba yeela?Yaa difaacay yoomay caddahay, Yoow dagaal yahana? Yaa u yeera yow macalinkiya, Yow aqoonyahana?Yaa wax baraya yay wax u bartaan, Yaa dugsi u yeela? Yaa walwaala yaa wax u yaqaan, Yaa cilmi u yeera?Yaa yuqsiisay yabaxii kabaxay, Waxa u yaal yaa og?Yaa ii warrama yaa wax ka og, Yaa waddaniyiina?Yedda laguma qaban Qaranimadii, Yaalinka ahayd'eHayeeshee yamin iyo shimaal, Ugama yeertaaneYoomkaanu waa kama dambeys, Waa isugu yeelaLaydin yiriye Soomaali yaheey, Yaabka ka heshiia.Yarsinkii hilbaha yaaddadada, Yacayga noo saare Lagu yuubtay habar yaasadaan, Yuuq la dhihi waynayYaxaas yaxaas waa sidaan biya hadday, Bari u yoolaaneYaa mudan la waay iyo yufkay, Nin uga yaalliineYaabya amankaag waxaan ahayn, Kama yimaadiine Yax yax iyo xishoodkaba raggii, Lagu yaqiin wayne Is la yoontu calaf yaasa go'ay, Kaalinta u yeeshay Yaasiin iyo kun yaahoo xitaa, Kumma Yalmaayaane Wixi yaal hunguri yuunnadii, Yaydin wada siiyaGaashaanka ugu Yuurarsaday, Libin ma yeeshaane Yoomkaanu waa kama dambays, Waa isugu yeelaLaydin yiriye Soomaali yaheey, Yaabka ka heshiia.Yabooh khayr leh Eebow na sii, Yaab tiraa tahaye Allow dhebedka yow Laynayiyo, Yibinta yeerayda Iyo yoolka nagu fuuraree yar iyo, Wayn laayay Labadaba Allow naga yasire, Nagu abaal yeelo Yacaad waxa ka dhigay dhiigga yaga, Caafimaad Yariye Yuudaan qabyaaladu ka xume, Beeshi kala yaacdayEebow isugu yeer adaa, Noo yuwaad nabade Yool yool carruurhuba, Waysugu yimaadiine Hayeeshee yabaaq male haddaan, Yuunga loo karineYoonki Eebba siiyana hunguri, Waa yamyamiyaaneEebow abaar yuubataa, Waa col kula yaale Yeddaadaan isku halayn jirnee, Noogu yeer calafka. La soco qaybaha xiga. **W/D: Xasan Cabdulle Calasoow "Shiribmaal"**